



ANG

# Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Hunyo 11, 2010  
[www.philippinerevolution.net](http://www.philippinerevolution.net)


## Tuluyang biguin ang OBL2

**D**i mailihim ng pasistang reaksyunaryong hukbo na patuloy na nananatiling malaganap at malakas, at nakapagdudulot ng mga makapangyarihang dagok sa mga pwersa nila ang Bagong Hukbong Bayan (BHB).

Sa gayon, di maiwasang aminin ng pasistang papet na AFP na bigo ang Oplan Bantay Laya 2 (OBL2) sa target nitong lumpuhin ang BHB at rebolusyonaryong kilusan hanggang sa dedlayn ng kontra-rebolusyonaryong kampanyang ito na kasabay ng pagtatapos ng termino ng rehimeng US-Arroyo sa katapusan ng Hunyo 2010. Ngunit nagpupumilit pa itong makapagpatama ng makapangyarihan kundi man pampatulog na bigwas bago ang kanilang dedlayn o kahit pa matapos ito.

Para makamit ito, ipinatutupad ngayon ng pasistang kaaway ang mga sumusunod:

- Hinigpitan ng AFP ang pokus sa mga pinakaprayoridad na larangang gerilya. Para makapagkonsentra ng mas malaking pwersa sa bawat target, binawasan ang bilang ng prayoridad na target ng bawat *area command* mula sa dating 10-12 tungong lima hanggang anim na larangang gerilya na lamang (Nolcom – Kalinga, Abra, Aurora, Bataan, Zambales; Solcom – mga larangang gerilya sa Quezon, Sorsogon at Masbate; Cencom – mga larangang gerilya sa Negros at Samar; EastMinCom – mga lara-



ngang gerilya sa mga prubinsya ng Davao). Ang mga dating inihanay na target ay inilagay sa secondaryong diin.

Nagdagdag ng mga pwersang pangkombat para makamit ang minimum na tig-isang batalyon sa bawat nasa prayoridad hanggang tigdalawang batalyon sa bawat pangunahing pinopokusang larangang gerilya. Para rito, mula pa 2009 ay nagbuo ang AFP ng pitong bagong *infantry battalion* at dalawang batalyon ng Scout Rangers at Special Forces. Nagrekrut din ng mga pwersa ng CAFGU na hindi na lamang ipinipirmi sa mga kampo kundi aktibo nang ginagamit sa pagsuyod sa mga prayoridad na lugar.

- Dulot ng mga kabiguan ng mga pwersang panagupa ng AFP,

pinalalakas nito ngayon ang mga yunit at operasyong CMO sa pagasang magiging epektibo ito para sa panlilinlang, paniniktik at pananakot sa mamamayan, pagpapahina ng kanilang rebolusyonaryong diwa at paghahawan ng daan para sa mga pwersang pangkombat. Nagbuo ng tig-isang batalyong CMO sa bawat dibisyon at nagpakat ng tig-isang kumpanyang CMO sa bawat tintutukang kulumpon ng mga larangang gerilya.

Tutok ng CMO ang pagpapatindi ng saywar at itim na propaganda laban sa rebolusyonaryong kilusan sa mga target na komunidad. Malaking bahagi rin ng mga gawain ng CMO ang pagrerekrut sa mga Barangay Intelligence Network (BIN) at CAFGU at pag-oorganisa ng mga sumukong elemento sa mga balangay ng CADRE (Confederation of Advocates for Development and Reforms). Inaayos din ng CMO ang

regular na brodka sa radyo ng malaki-laking bilang ng mga batalyon ng Philippine Army.

Sa pamamagitan ng mga CMO, gamit ang mga BIN, CAFGU, CADRE at iba pa, pinalalakas ng AFP ang mga operasyong paniktik upang tukuyin ang kilos ng BHB. Layon nitong masiguro na ang mga operasyong militar nila ay may tiyak na mga target at mabawasan ang magastos-sa-rekurso na mga operasyong walang tiyak na target.

Pinalalakas din ang paniniktik sa mga kilalang lider ng Partido at BHB hanggang sa antas ng prubinsya at rehiyon, gayundin sa mga pinagsususpetsahang aktibo o sumusuporta sa rebolusyon sa mga target na base, pati na ang lambat-suporta ng rebolusyonaryong kilusan tulad ng linya ng komunikasyon, suplay at iba pa.

Katuwang ng iba pang mga yunit, malaki rin ang papel ng CMO sa tuluy-tuloy na pamamaslang sa natutukoy na mga kadre, lider, organisador, aktibista at simpatisador ng rebolusyonaryong kilusan at ligal na demokratikong kilusan,

panggigipit sa pamilya ng mga tukoy na kadre at kasapi na nasa rebolusyonaryong kilusan, at mga katulad na maruruming trabaho. Kinakasangkapan din sa mga ito ang mga narerekruit sa BIN, CAFGU, CADRE at iba pa.

Pinahihigpit din ang tulungan at koordinasyon sa pagitan ng AFP at ng makakasangkapan na lokal na guberno, lokal na ahensya at *non-government organization* (NGO) para sa mga kinakailangang suporta sa mga operasyong CMO, paniktik at pangkombat ng kaaway.

■ Pinalaganap sa buong bansa ang modelong “Area Clearing” kapwa sa mga larangang gerilya sa kanayunan (“Red Area Clearing” na katulad ng ipinatupad sa Central Luzon, at “White Area Clearing” na katulad ng ipinatupad sa Southern Tagalog Region).

Sangkap ng “Red Area Clearing” o RAC ang pagpapakat ng tig-isang batalyon sa bawat target na larangang gerilya. Antas brigada ang tutok at pagpapalano sa pagkilos nito. Sangkap din ng RAC ang tinatawag na “keyhole approach” sa target na mga tinatayang baseng gerilya. Nagsisimula ang “keyhole approach” sa sabay-sabay at dikit-dikit na pagpapakat ang mga Special Operations Teams (SOT) sa saklaw ng baseng gerilya sa kumpol ng magkakadikit na mga baryo at sitio.

Matagalan at paulit-ulit ang pagpapakat, masinsin ang pagsusuyod at paggagalugad sa saklaw na mga baryo, sa paligid at sa pagitan ng mga ito. Sa mga operasyong ito, may kombinasyon ng 60% na operasyong pangkombat, 30% na operasyong paniktik at 10% na operasyong CMO. Lalaki ang bahagi ng CMO kapag natayang wala nang BHB sa lugar at nasa yugtong suporta na ang RAC. Sa pagpapatupad ng kumbinasyon ng mga ito, inaaahan ng kaaway na di basta-basta mababawi ng mga re-

bolusyonaryong pwersa ang mga larangang gerilyang “nalinis” na ng RAC.

Tinutukoy at inihahanda ang isa o ilang *engagement area* (lugar kung saan mayroong itinatanim ang kaaway na malalim na paniktik at naghihintay na lamang ng pagkakataong makipagsagupa sa BHB) at *Venus flytrap* (kalapit na lugar kung saan may malalim na paniktik pero sadyang madalang ang operasyon ng AFP para doon maaaring umatras at makahon ang natataboy na mga pwersa ng BHB).

Tinutukoy din ang isa o ilang *constriction area* (lugar na mahina ang presensyang militar at lambat paniktik ng kaaway kaya’t pwedeng direksyon ng pagpapalawak ng BHB mula sa pinopokusang kaaway, kaya’t ginagawan ng kaaway ng paraan para mahadlangan ang pagpapalawak ng BHB doon). Magtatalaga sila ng mga tropang sasagupa sa papasok o dadaang yunit ng BHB upang sukulin o di kaya ay itaboy sa itinakdang *Venus flytrap* at doon ibuslo sa mapagpasyang labanan.

Kasabay ng paglulunsad ng mga RAC ay naglulunsad din ng mga “White Area Clearing” (WAC), kung saan prayoridad ang pagwasak sa panrehiyong makinarya ng kilusan sa mga puting purok, pagnyutralisa sa mga tukoy na kadre at organisador sa iba’t ibang sektor, pagpapatupad ng mga Counter-Insurgency Seminar at pagtatayo ng lambat paniktik sa iba’t ibang sektor at pagbubuo ng mga organisasyon na pantapat na sa mga hayag na demokratikong organisasyon.

Pinaigting din ang mga operasyong CMO sa mga sentrong bayan ng mga prayoridad na larangan at sa mga sentrong urban ng rehiyon, kung saan target ang mga organisadong komunidad, mga pinagsususpetsahang kumikilos doon, mga aktibista sa ligal, at mga alyado at tagasuporta roon.



Taon XLI Blg. 11 Hunyo 11, 2010

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

[www.philippinerevolution.net](http://www.philippinerevolution.net)

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: [angbayan@yahoo.com](mailto:angbayan@yahoo.com)

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas

# Pagsusuri at pagharap sa kabuuang plano ng kaaway

Ang mga eryang nasa prayoridad ng OBL2 ay yaong mga nakalatag ang mga larangang gerilya sa mga estratehikong lugar na sumasaklaw sa malawak na bahagi ng rehiyon.

Para mas mapahigpit ang tutok sa mas kaunting lugar na pinopokus, obligadong panipisin pa ng kaaway ang latag ng pwersa sa mas malawak na mga bahagi. Sa gayon, kahit sa mga rehiyong pinopokus, lilitaw ang mga bulnerableng bahagi sa pakat ng kaaway. Habang mas marami ang nakalatag na mga larangang gerilya na may malaki o kalakhang bilang ng mga laking-kumpanyang larangang gerilya, mas maluwag na makakamaniobra at mas aktibong makakasunggab sa inisyatiba kahit sa mga pokus na erya. Magbubunga rin ito ng mas maluwag na sitwasyong militar sa mga rehiyong nasa secondaryong atensyon ng kaaway.


Sa pagsisikap naman nilang manlinlang at magpabango sa pamamagitan ng pinalawak at pinaigting na CMO, litaw na litaw pa rin ang kanilang madudugong krimen at maruruming paraan. Hindi pwedeng pagtakpan ang tunay na pasista at papet na katangian ng AFP at ang kontra-mamamayan at kontra-rebolusyonaryong layunin ng mga operasyon nito. Hindi tumatalab sa nakararaming mamamayan ang kanilang say-

war. Epektibong nakanunyuutralisa sa paninindak at pananakot ng kaaway sa mamamayan ang pagdikit at pagpapalakas sa kanila ng mga rebolusyonaryong pwersa, at ang nakikita nilang malakas at epektibong paglaban sa panlilinlang at pasismo ng kaaway.

Kung desidido ang mga sagadsarin sa panig ng kaaway sa layuning lumpuhin ang rebolusyonaryong kilusan, higit pa ang determinasyon ng mga rebolusyonaryong pwersa at rebolusyonaryong mamamayan na biguin ang kaaway at isulong sa mas mataas na antas ang digmang bayan.

Patuloy na nagpapakahusay tayong matuto at umunlad mula sa sarili nating mga karanasan at sa wastong mga prinsipyo, stratehiya at akmang taktika. Napatutunayan sa ating mga karanasan ang kahalagahan ng fleksibilidad sa disposisyon at galaw ng pwersa, at ang ugnayan at pagtatalikuran ng mga larangang gerilya at kumpol ng mga larangan. Maha-

halagang leksyon ang mga



natutunan natin kaugnay ng pangangailangan ng rehiyunal at sub-rehiyunal na pamumunong militar, at ng kahalagahan ng inter-larangang tulungan at koordinasyon. May mga natututunan tayo sa higit na pangangailangan ng angkop na mga bertikal na pormasyon sa antas ng rehiyon at subrehiyon, kumbinasyon ng malawakang latag ng mga pwersang horisontal, upang mabilis na umakma sa pabagu-bagong sitwasyong militar, at magsilbi sa pagtoto-dog-larga ng ating pakikidigmang gerilya at pagpapalawak ng rebolusyonaryong base. Nariryan din ang akmang kumbinasyon ng kalupaan at latag ng mga larangang gerilya. Palaging nasasariwa ang pakikipagpalit ng ispasyo para sa panahon, ang pagsugpo sa mga kontra-rebolusyonaryo, ang pagpapalaganap ng bira sa mga nahihawalay na tropa ng kaaway, ang paglalagay sa opensibang posturang militar ng mga pwersang gerilyang horisontal, ang kahalagahan ng pwersang milisya sa pakikidigmang atrisyon at sa kabuuang pagpapalakas ng hukbong bayan, at ang pagpapaluwag pa ng mga inisyatiba sa pamamagitan ng mga operasyong partisano sa mga linya ng suplay, komunikasyon at transportasyon ng kaaway hanggang sa pinakalikuran ng kaaway. Nananatiling mahigpit ang paghawak natin sa ating kalamangan sa pulitika, sa kahalagahan ng buo at listong pamumuno, at koordinasyon sa antas rehiyon sa mga pwersa at pakikibaka sa mga

puting purok, mga sentrong lunsod hanggang sa pambansang sentro. Pinahahalagahan din natin ang mga tulong sa armadong pakikibaka mula sa mga lokal hanggang pambansang antas at pati ibayong dagat, kabilang na ang pag-asikaso at pagpapaunlad ng pagtugon sa mga pangangailangan ng hukbo at masa sa ekonomya, lohistika, medikal, at

iba pa.

## Mga tungkulin sa tuluyang pagbibigo ng OBL2

Sa harap ng hibang na pag-atake at pananalasa ng pasista at papet na AFP sa mga pinakahuling minuto na ng OBL2, mahigpit at kagyat na mga tungkulin ang mga sumusunod upang tuluyan na itong mabigo:

1. Mabilis at mahigpit na pagkaisahin ang Partido, hukbo at masa sa reaksyunaryo at buhong na katangian ng OBL2, pag-aralan at kilalanin ang mga bulnerabilidad at kahinaan ng kaaway habang seryosong inaalam at pinaghahandaan ang mga peligro at pinsalang kaya at pwedeng idulot pa nito. Pataasin ang determinasyon ng pwersa at masa na labanan at biguin ang mga bagong pakana ng OBL2.


2. Tiyakin at lalo pang palakas ang maagap at aktibong pamumunong pampulitika at pangmilitar sa antas ng rehiyon, prubinsya/subrehiyon, inter-larangang gerilya at larangang gerilya. Responsibilidad ng mga sentro ng pamumuno sa mga nasabing antas ang mahigpit na pagsubaybay sa kabuuang sitwasyon sa saklaw at antas; maagap na suriin at tayahin ang mga layunin at plano ng kaaway; matamang pag-aralan ang mga kalakasan, gayundin ang mga kahinaan at bulnerabilidad ng kaaway; bumuo ng planong militar at pulitikal na kinakailangan at angkop sa sitwasyon; mabilis na umakasyon at umakma sa pagbabagu-bago ng sitwasyon para gabayan ang mga pwersa at masa sa tamang pagkilos at paglaban. Nasa pamunuan sa bawat antas ang responsibilidad na mabilis na ipaabot sa mga kinaukulang namumunong organo ang mga ulat at pagsusuri sa sitwasyon sa kani-kanilang antas, gayundin ang mga plano, pasya at kahilingan sa instruksyon.

3. Paganahin ang mga pangoperasyong kumand sa teritoryo mula sa antas ng rehiyon, subrehiyon at larangan. Sa mga pangoperasyong kumand sa mga larangan, tiyaking may kinatawan ang kumand ng milisya sa erya (pwedeng kumbinasyon ng mga kadre o upisyal ng sentro de grabidad ng larangan na nakatutok sa mga yunit milisya at mga piling kadre sa yunit milisya sa erya).

4. Buuin ang pinag-isang pampulitikang kumand sa puting purok na nakasalalay sa malawak at malalim na kilusang lihim at may mahigpit at ligtas na ugnay sa mga pwersang lihim at hayag sa puting purok. Responsibilidad ng kumand na ito ang pagtiyak at patuloy na pagpapalakas sa rehiyunal na pamumuno at koordinasyon sa gawaing pakikibaka sa puting purok. Magtitiyak at magpapalakas ito ng koordinasyon sa ligal na demokratikong kilusan sa sentrong lunsod at pambansang antas.

5. Hawakan ang opensibang posturang militar upang aktibong magdependa laban sa panibagong pananalakay ng kaaway at mabilis na masamantala ang mga kahinaan at mahihinang bahagi ng kaaway.

Tungo rito, kai-



ngang tiyakin ang sumusunod:

■ Gumawa ng buong planong militar para sa aktibong depensa at paglaban sa antas ng rehiyon hanggang sa mga larangang gerilya.

■ Mag-isyu at magpatupad ng nakatayong patakaran sa aktibong pagbira laban sa mahihinang bahagi ng kaaway saanmang bahagi ng mga larangang gerilya, mga taping kalsada at haywey, kagubatan, gayundin sa mga sentrong bayan at syudad.

■ Pakilusin ang mga rehiyunal na yunit gerilya at subrehiyunal na yunit gerilya bilang mga tunay na sentro de grabidad sa gawaing militar sa pamamagitan ng pangunguna sa pagbira sa mahihinang bahagi ng kaaway (naglalakad, nakasakayan, nakahimpil, at iba pa). Patindihin ang mga taktikal na opensiba sa mahihinang bahagi sa tagiliran at likuran ng kaaway.

■ Bigyan ng malaking atensyon (hanggang 70%-80%) ang gawaing militar ng mga horisontal na yunit na pwedeng magkaanyo ng paglilibre ng kalahati o higit sa kalahati ng pwersa nito para sa gawaing militar.

■ Palawakin at palakas ang mga yunit milisya upang maging pangunahing pwersa sa paglulunsad ng pakikidigmang gerilya ng masa. Sanayin at gabayan sila para sa aktibo at sistematikong paglahok sa gawaing paniktik, pagsugpo sa mga kontra-rebolusyonaryong elemento, at pagsuporta sa mga taktikal na opensiba at iba pang gawaing militar ng mga buong-panahong pwersang gerilya. Palawakin at pasiglahin ang paggamit nila sa *command-detonated land mines* upang matinding makabira sa naghahalihaw na mga pasistang tropa.

■ Pasiglahin ang mga operasyong partisano sa mga panguna-

hing linya ng suplay, komunikasyon at transportasyon ng kaaway, sa mga sentrong bayan at syudad upang obligahin ang kaaway na magtali ng malaking pwersa sa pagbabantay sa kanyang likuran.

- Palawakin at paigtingin ang mga taktikal na opensiba at iba pang aksyong gerilya upang samantalahin ang mga puwang, mahina at manipis na mga bahagi ng kaaway at pigilan siyang maluwag na makapanghalihaw sa iilang piling konsentrasyon ng kanyang pag-atake.

6. Palakasin ang inisyatiba, pleksibilidad at dinamismo ng lahat ng pwersang gerilya. Tungkulin ng lahat ng pwersang gerilya na sumunggab sa mga bulnerabilidad at kahinaan ng kaaway para magsagawa ng mga taktikal na opensiba na akma sa kanilang kakayahan at makapag-ambag sa abot-kaya sa kabuuang pagpapaigting ng pakikidigmang gerilya at pagbigong buhong na pananalakay ng pasista at papet na AFP. Puspusing bakahin ang pasibidad na magdudulot lamang ng pagkawala ng inisyatiba, papatinding pagkagipit, pagkagasgas at mas malaking peligro ng pinsala at pagkadurog. Sa ganitong paraan lamang aktibong makapagtatangol laban sa opensiba ng kaaway, mapangangalagaan ang pwersa at baseng masa at mas masiglang mapapalawak at mapalalakas ang mga ito. Sa pamamagitan ng pagpapaigting ng mga atake sa kaaway sa pinakamalawak na saklaw, saanman may mga pwersang gerilya at pwersang milisya, ipagkait sa mga pasistang tropa ang lugar at pagkakataong mapanatag; panatilihin silang laging nanghuhula at nababahala kung saan at kung kailan sila tatamaan ng ganiting-atake ng BHB at mamamayan.

Sa pagsigla ng mga taktikal na



opensiba at pakikidigmang gerilya, mapupukaw ang entusyismo ng pwersa at masa. Kailangang samantalahin ang ganitong positibong sitwasyon para mapabilis ang pagtatayo at pagpapalawak ng mga ganap na samahang masa sa antas ng baryo, munisipalidad at distrito, at mapabilis ang pagpapalawak at pagpapalakas ng hukbo at miliyang bayan. Samantalahin ang entusyismo at malawak na simpatya at suporta ng masa, ang malawak at malalim na ugat natin sa maraming lugar at ang pagkakilala natin sa masa sa maraming lugar upang pabilisin ang pag-aangat ng antas ng organisasyon at pagkilos ng mamamayan.

7. Sa pagbubuo ng planong militar sa antas ng rehiyon, ipalob ang sumusunod:

- pagsusuri sa layunin at plano ng kaaway; mga kalakasan at mga bulnerabilidad nito

- papel ng iba't ibang bahagi ng mga pwersa at yunit gerilya sa rehiyon, kabilang ang mga miliyang bayan

- plano para mabilis na palakasin ang inisyatibang militar sa relatibong maluluwag na bahagi

- gabay sa mga yunit ng teritoryo at hukbong bayan sa mahusay at detalyadong pagtukoy sa

malalambot na bahagi ng kaaway (mga detatsment ng CAFGU; malilit na yunit na naglalakad, nakasasakyan o abala sa iba't ibang lakad at gawain sa labas ng kampo; mga pribadong armadong grupo).

- pagbibigay ng atensyon sa paglikha ng inisyatiba sa anyo ng mga operasyong partisano sa mga ruta ng suplay (kalsada, ilog, sentrong bayan), linya ng komunikasyon at transportasyon; at pagbira sa mga pwersang paniktik ng kaaway.

- plano sa pagtukoy at pagwasak sa lambat-paniktik ng kaaway sa kanayunan at kalunsuran.

- gawaing militar ng milisya, kabilang na ang kaugnay ng pasabog, patibong at katutubong sandata

- pagtaya sa partikular na saklaw ng pokus ng atake ng kaaway, malamang na mga *engagement area* at *constriction area*, at mga gawain at angkop na paraan ng pagkilos sa mga ito.

- paghahanay at pagpalaganap ng iba't ibang taktika sa pagbira sa kaaway, kabilang na ang pangkontra sa kanilang kontra-ambus-kontrareyd na mga regulasyon.

- pagpapaunlad sa mga teknika kaugnay ng pag-isnayp, gamit ng pasabog, patibong, ambus at reyd sa araw o gabi.

- mahigpit na paghawak sa mga plano't regulasyon laban sa depensiba at pagpapalaganap ng kilusang pagsisikreto sa pagkilos, paghihimpil at iba pa (tulad ng kasabihan sa Hukbong Mapagpalaya ng Mamamayan ng Vietnam: "Lumakad nang walang bakas, magluto nang walang usok, magsalita nang walang ingay, umubo nang walang tunog")

- agresibong pagpapalaki ng tauhan ng BHB at pagpaparami ng mga platun nito bilang esensyal na bahagi rin ng planong militar.

Sa mga pulong at dokumento, iwasang itala ang mga taktikal na impormasyon tulad ng mga taktikal na planong militar, hatian ng mga erya, laki, lakas at disposisyon ng mga yunit at mga katulad. Kailangan ang ibayong pag-iingat at paglilihim upang gawing bulag at bingi ang kaaway sa ating plano at mga kilos.

**8.** Paunlarin ang pleksibilidad at inisyatiba sa pamamagitan ng pagpapalakas ng tulungan at koordinasyon sa pagitan ng mga larangan at sa pagitan ng mga interlarangan o subrehiyon; pag-iimbak ng bigas, asin at iba pang saligang pangangailangan sa mga estratehikong bahaging saklaw ng maniobra ng mga yunit ng BHB; pagtatalaga ng mga yunit milisya para maghanda ng mga sikretong ruta o maging pangunahing pwersang pansalo o salubong sa mga yunit ng BHB na dadaan sa lugar.

Mabilis na baguhin at iakma ang pakat ng pwersa at mga gawaing upang maiwasan ang malakas na bigwas ng kaaway, maiwasang labis na mabugbog o magasgas ang isang bahagi at mabilis na

sunggaban ang mga kahinaan ng kaaway.

**9.** Tiyakin ang kahandaan ng mga yunit mula sa antas ng rehiyon hanggang larangan sa anumang kumand at sa mahigpit na pagtalima rito.

**10.** Ubos-kayang samantalain ang sitwasyon sa mga rehiyon o erya na relatibong maluwag ang pakat ng kaaway, upang makapagpalawak ng saklaw, makapagpalaki ng yunit ng BHB, makapagpalaki ng baseng masa at maglunsad ng pakikibakang agraryo.

**11.** Palakasin ang gawaing propaganda at edukasyon. Ipatupad ang *tit-for-tat* na gawaing propaganda sa pamamagitan ng mga Sandatahang Yunit sa Propaganda, paglalabas ng mga pahayag at *press release* at pagpapadalo o pagtawag sa mga programa sa radio. Paunlarin ang paggamit ng mga makabagong paraan sa propaganda, kabilang ang pagpapadala ng mga *podcast*, *video* at ibang materyal pampropaganda sa *internet*, pagpapalaganap sa mga baryo ng mga DVD na may rebolusyonaryo o progresibong nilalaman at iba pang

paraan.

**12.** Maagap na organisahin at isulong ang antipasista/anti-militarisasyong kilusang masa at iba pang kampanya at kilusang masa. Huwag hintaying tumindi ang mga pasistang pang-aabuso bago buuin ang mga pandepensang anyo ng organisasyon at buhayin ang kilusan at alyansang antipasista at anti-militarisasyon. Sa pag-igting ng pasismo at militarisasyon, ang iba pang kampanya at kilusang masa (laban sa kagutuman, pangangamkam ng lupa, pagsalanta sa kapaligiran, para sa lupa at kabuhayan, at mga katulad nito) ay lalong kailangan para palawakin ang inisyatiba at maniobra ng masa.

**13.** Mahusay na samantalain ang pagkakahati-hati ng reaksyon at buuin ang malapad na nagkakaisang prente sa iba't ibang antas at anyo upang biguin ang pakana ng kaaway na konsolidahin ang reaksyon laban sa rebolusyonaryong kilusan.

**14.** Padaluyin ang suportang kadre, tauhan, paniktik, materyal at lohistika mula sa kalunsuran pangtungong kanayunan. **AB**



ANG

Bayan

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Hunyo 11, 2010  
[www.philippinerevolution.net](http://www.philippinerevolution.net)


## Tuluyang biguin ang OBL2

**D**i mailihim ng pasistang reaksyunaryong hukbo na patuloy na nananatiling malaganap at malakas, at nakapagdudulot ng mga makapangyarihang dagok sa mga pwersa nila ang Bagong Hukbong Bayan (BHB).

Sa gayon, di maiwasang aminin ng pasistang papet na AFP na bigo ang Oplan Bantay Laya 2 (OBL2) sa target nitong lumpuhin ang BHB at rebolusyonaryong kilusan hanggang sa dedlayn ng kontra-rebolusyonaryong kampanyang ito na kasabay ng pagtatapos ng termino ng rehimeng US-Arroyo sa katapusan ng Hunyo 2010. Ngunit nagpupumilit pa itong makapagpatama ng makapangyarihan kundi man pampatulog na bigwas bago ang kanilang dedlayn o kahit pa matapos ito.

Para makamit ito, ipinatutupad ngayon ng pasistang kaaway ang mga sumusunod:

- Hinigpitan ng AFP ang pokus sa mga pinakaprayoridad na larangang gerilya. Para makapagkonsentra ng mas malaking pwersa sa bawat target, binawasan ang bilang ng prayoridad na target ng bawat *area command* mula sa dating 10-12 tungong lima hanggang anim na larangang gerilya na lamang (Nolcom – Kalinga, Abra, Aurora, Bataan, Zambales; Solcom – mga larangang gerilya sa Quezon, Sorsogon at Masbate; Cencom – mga larangang gerilya sa Negros at Samar; EastMinCom – mga lara-



ngang gerilya sa mga prubinsya ng Davao). Ang mga dating inihanay na target ay inilagay sa sekundaryong diin.

Nagdagdag ng mga pwersang pangkombat para makamit ang minimum na tig-isang batalyon sa bawat nasa prayoridad hanggang tigdalawang batalyon sa bawat pangunahing pinopokusang larangang gerilya. Para rito, mula pa 2009 ay nagbuo ang AFP ng pitong bagong *infantry battalion* at dalawang batalyon ng Scout Rangers at Special Forces. Nagrekrut din ng mga pwersa ng CAFGU na hindi na lamang ipinipirmi sa mga kampo kundi aktibo nang ginagamit sa pagsuyod sa mga prayoridad na lugar.

- Dulot ng mga kabiguan ng mga pwersang panagupa ng AFP,

pinalalakas nito ngayon ang mga yunit at operasyong CMO sa pagasang magiging epektibo ito para sa panlilinlang, paniniktik at pananakot sa mamamayan, pagpapahina ng kanilang rebolusyonaryong diwa at paghahawan ng daan para sa mga pwersang pangkombat. Nagbuo ng tig-isang batalyong CMO sa bawat dibisyon at nagpakat ng tig-isang kumpanyang CMO sa bawat tintutukang kulumpon ng mga larangang gerilya.

Tutok ng CMO ang pagpapatindi ng saywar at itim na propaganda laban sa rebolusyonaryong kilusan sa mga target na komunidad. Malaking bahagi rin ng mga gawain ng CMO ang pagrerekrut sa mga Barangay Intelligence Network (BIN) at CAFGU at pag-oorganisa ng mga sumukong elemento sa mga balangay ng CADRE (Confederation of Advocates for Development and Reforms). Inaayos din ng CMO ang

## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa [angbayan@yahoo.com](mailto:angbayan@yahoo.com)